

RIALACHÁN CUR CHUN FEIDHME (AE) 2022/196 ÓN gCOIMISIÚN

an 11 Feabhra 2022

lena n-údaraitear leathnú úsáide agus athrú sonraíochtaí i leith giosta aráin (*Saccharomyces cerevisiae*) cóireáilte le UV mar bhia núíosach faoi Rialachán (AE) 2015/2283 ó Pharlaimint na hEorpa agus ón gComhairle agus lena leasaítear Rialachán Cur Chun Feidhme (AE) 2017/2470 ón gCoimisiún

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2015/2283 ó Pharlaimint na hEorpa agus ón gComhairle an 25 Samhain 2015 maidir le bianna núíosacha, lena leasaítear Rialachán (AE) Uimh. 1169/2011 ó Pharlaimint na hEorpa agus ón gComhairle, agus lena n-aisghairtear Rialachán (CE) Uimh. 258/97 ó Pharlaimint na hEorpa agus ón gComhairle agus Rialachán (CE) Uimh. 1852/2001 ón gCoimisiún ⁽¹⁾, agus go háirithe Airteagal 12 de,

De bharr an mhéid seo a leanas:

- (1) Is éard a fhoráiltear le Rialachán (AE) 2015/2283 nach bhféadfar ach bianna núíosacha atá údaraithe agus atá curtha ar liosta an Aontais a chur ar an margadh laistigh den Aontas.
- (2) De bhun Airteagal 8 de Rialachán (AE) 2015/2283, bunaíodh liosta Aontais de bhianna núíosacha le Rialachán Cur Chun Feidhme (AE) 2017/2470 ón gCoimisiún ⁽²⁾.
- (3) Áirítear giosta aráin (*Saccharomyces cerevisiae*) cóireáilte le UV mar bhia núíosach údaraithe i liosta an Aontais a leagtar amach san Iarscríbhinn a ghabhann le Rialachán Cur Chun Feidhme (AE) 2017/2470.
- (4) Is éard a údaraíodh le Cinneadh Cur Chun Feidhme 2014/396/AE ⁽³⁾, i gcomhréir le Rialachán (CE) Uimh. 258/97 ó Pharlaimint na hEorpa agus ón gComhairle ⁽⁴⁾ agus tar éis na tuairime ón Údarás Eorpach um Shábháilteacht Bia ⁽⁵⁾, giosta aráin (*Saccharomyces cerevisiae*) cóireáilte le UV a chur ar an margadh mar bhia núíosach lena úsáid i mbianna áirithe, lena n-áirítear aráin agus rollaí a laimhínítear le giosta agus earraí míne bÁCála a laimhínítear le giosta, agus i bhforbhianna chomh maith mar a shainmhínítear i dTreoir 2002/46/CE ó Pharlaimint na hEorpa agus ón gComhairle ⁽⁶⁾.
- (5) Is éard a údaraíodh le Rialachán Cur Chun Feidhme (AE) 2018/1018 ón gCoimisiún ⁽⁷⁾ i gcomhréir le Rialachán (AE) 2015/2283, leathnú úsáide agus leathnú úsbhéil úsáide an bhia núíosach giosta aráin (*Saccharomyces cerevisiae*) cóireáilte le UV. Go háirithe, leathnaíodh úsbéil giosta aráin (*Saccharomyces cerevisiae*) cóireáilte le UV chun catagóirí bia eile a chumhdach, eadhon giosta úr réamhphacáilte nó giosta tirim réamhphacáilte le haghaidh bÁCáil bhaile agus forbhianna gan léiriú ar na huasleibhéil ceadaithe, agus leasaíodh an cion vitimín D₂ sa dlúthán giosta.

⁽¹⁾ IO L 327, 11.12.2015, lch. 1.

⁽²⁾ Rialachán Cur Chun Feidhme (AE) 2017/2470 ón gCoimisiún an 20 Nollaig 2017 lena mbunaítear liosta an Aontais de bhianna núíosacha i gcomhréir le Rialachán (AE) 2015/2283 ó Pharlaimint na hEorpa agus ón gComhairle maidir le bianna núíosacha (IO L 351, 30.12.2017, lch. 72).

⁽³⁾ Cinneadh Cur Chun Feidhme 2014/396/AE ón gCoimisiún an 24 Meitheamh 2014 lena n-údaraitear giosta aráin (*Saccharomyces cerevisiae*) cóireáilte le UV a chur ar an margadh mar chomhábhar bia núíosach faoi Rialachán (CE) Uimh. 258/97 ó Pharlaimint na hEorpa agus ón gComhairle (IO L 186, 26.6.2014, lch. 108).

⁽⁴⁾ Rialachán (CE) Uimh. 258/97 ó Pharlaimint na hEorpa agus ón gComhairle an 27 Eanáir 1997 maidir le bianna núíosacha agus comhábhair núíosacha bia (IO L 43, 14.2.1997, lch. 1).

⁽⁵⁾ *Scientific Opinion on the safety of vitamin D-enriched UV-treated baker's yeast* ("Tuairim eolaíoch maidir le sábháilteacht giosta aráin cóireáilte le UV agus saibhrithe le vitimín D"), *EFSA Journal* [Iris EFSA] 2014; 12(1):3520.

⁽⁶⁾ Treoir 2002/46/CE ó Pharlaimint na hEorpa agus ón gComhairle an 10 Meitheamh 2002 maidir le comhfhogasú dhlíthe na mBallstát a bhaineann le forbhianna (IO L 183, 12.7.2002, lch. 51).

⁽⁷⁾ Rialachán Cur Chun Feidhme (AE) 2018/1018 ón gCoimisiún an 18 Iúil 2018 lena n-údaraitear leathnú úsáide i leith giosta aráin (*Saccharomyces cerevisiae*) cóireáilte le UV mar bhia núíosach faoi Rialachán (AE) 2015/2283 ó Pharlaimint na hEorpa agus ón gComhairle agus lena leasaítear Rialachán Cur Chun Feidhme (AE) 2017/2470 ón gCoimisiún (IO L 183, 19.7.2018, lch. 9).

- (6) An 15 Bealtaine 2020 chuir an chuideachta Lallemand Bio-Ingredients Division (“an t-iarratasóir”) iarratas faoi bhráid an Choimisiúin de bhun Airteagal 10(1) de Rialachán (AE) 2015/2283 ar leathnú úsáide i leith an bhia núíosach giosta aráin (*Saccharomyces cerevisiae*) cóireáilte le UV. D’iarr an t-iarratasóir úsáid giosta aráin (*Saccharomyces cerevisiae*) cóireáilte le UV a leathnú chun roinnt bianna eile atá ceaptha le caitheamh ag an bpobal i gcoitinne a chumhdach. Ina theannta sin d’iarr an t-iarratasóir go n-úsáidfí an bia núíosach i mbianna atá ceaptha do naíonáin agus do leanaí óga.
- (7) I gcomhréir le hAirteagal 10(3) de Rialachán (AE) 2015/2283, chuaigh an Coimisiún i gcomhairle leis an Údarás Eorpach um Shábháilteacht Bia (“an tÚdarás”) an 20 Iúil 2020, agus d’iarr an Coimisiún ar an Údarás tuairim eolaíoch a sholáthar maidir leis an leathnú úsáide i leith giosta aráin (*Saccharomyces cerevisiae*) cóireáilte le UV mar bhia núíosach.
- (8) An 28 Aibreán 2021, ghlac an tÚdarás a thuairim eolaíoch *Safety of extended uses of UV-treated baker’s yeast as a novel food pursuant to Regulation (EU) 2015/2283* (“Sábháilteacht úsáidí leathnaithe giosta aráin cóireáilte le UV mar bhia núíosach de bhun Rialachán (AE) 2015/2283”) ⁽⁸⁾. Tá an tuairim eolaíoch sin i gcomhréir le ceanglais Airteagal 11 de Rialachán (AE) 2015/2283.
- (9) Sa tuairim uaidh, chinn an tÚdarás go bhfuil giosta aráin (*Saccharomyces cerevisiae*) cóireáilte le UV sábháilte faoi na coinníollacha úsáide atá beartaithe. Dá bhrí sin, is leor na forais sa tuairim ón Údarás chun a shuí go gcomhlíonann giosta aráin (*Saccharomyces cerevisiae*) cóireáilte le UV, faoi na coinníollacha úsáide sonracha, na coinníollacha maidir lena chur ar an margadh i gcomhréir le hAirteagal 12(1) de Rialachán (AE) 2015/2283.
- (10) I gcomhréir le Treoir 2006/125/CE ón gCoimisiún ⁽⁹⁾, ní chuirfear vitimín D le bianna do naíonáin. Mar gheall ar a chion vitimín D₂, níor cheart giosta aráin (*Saccharomyces cerevisiae*) cóireáilte le UV a údarú lena úsáid i mbianna do naíonáin. Thairis sin, i gcomhréir le Rialachán (CE) Uimh. 1925/2006 ó Pharlaimint na hEorpa agus ón gComhairle ⁽¹⁰⁾, ní fhéadfar vitimíní a chur le táirgí bia neamhphróiseáilte. Dá bhrí sin, níor cheart giosta aráin (*Saccharomyces cerevisiae*) cóireáilte le UV a údarú in amfaibiaigh, i reiptílí, i seilidí, i bhfeithidí, in algaí, in orgánaigh phrécárithe, ná i bhfungais, i gcaonaigh ná i léicín i ndáil leis an úsáid atá beartaithe.
- (11) I gcomhréir le tuairim an Údaráis, is gá an giosta aráin (*Saccharomyces cerevisiae*) cóireáilte le UV a dhíghníomhú sula n-úsáidtear é i mbanne foirmle do naíonáin nó i mbanne foirmle leantach, i mbia gránachbhunaithe próiseáilte nó i mbianna chun críoch speisialta míochaine mar a shainítear le Rialachán (AE) Uimh. 609/2013 ó Pharlaimint na hEorpa agus ón gComhairle ⁽¹¹⁾, agus dá bhrí sin is iomchuí sonraíochtaí an bhia núiosaigh a leasú.
- (12) Is leor na forais a sholáthraítear san iarratas agus sa tuairim ón Údarás chun a shuí go gcomhlíonann na hathruithe a dhéantar ar shonraíochtaí agus ar choinníollacha úsáide an bhia núiosaigh na coinníollacha maidir lena chur ar an margadh i gcomhréir le hAirteagal 12 de Rialachán (AE) 2015/2283.
- (13) Dá bhrí sin, is ceart an Iarscríbhinn a ghabhann le Rialachán Cur Chun Feidhme (AE) 2017/2470 a leasú dá réir.
- (14) Na bearta dá bhforáiltear sa Rialachán seo, is bearta iad atá i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

⁽⁸⁾ *EFSA Journal* [Iris EFSA] 2021;19(6):6602.

⁽⁹⁾ Treoir 2006/125/CE ón gCoimisiún an 5 Nollaig 2006 maidir le bianna gránachbhunaithe próiseáilte agus bianna do naíonáin agus do leanaí óga (Leagan códaíthe) (IO L 339, 6.12.2006, lch. 16).

⁽¹⁰⁾ Rialachán (CE) Uimh. 1925/2006 ó Pharlaimint na hEorpa agus ón gComhairle an 20 Nollaig 2006 maidir le vitimíní agus mianraí agus substaintí áirithe eile a chur le bia (IO L 404, 30.12.2006, lch. 26).

⁽¹¹⁾ Rialachán (AE) Uimh. 609/2013 ó Pharlaimint na hEorpa agus ón gComhairle an 12 Meitheamh 2013 maidir le bia a cheaptar lena úsáid mar bhia do naíonáin agus do leanaí óga, maidir le bia chun críocha speisialta míochaine, agus maidir le hionadach ar an aiste bia iomlán chun meáchan a rialú agus lena n-aisghairtear Treoir 92/52/CEE ón gComhairle, Treoracha 96/8/CE, 1999/21/CE, 2006/125/CE, agus 2006/141/CE ón gCoimisiún, Treoir 2009/39/CE ó Pharlaimint na hEorpa agus ón gComhairle, agus Rialachán (CE) Uimh. 41/2009 agus (CE) Uimh. 953/2009 ón gCoimisiún (IO L 181, 29.6.2013, lch. 35).

TAR ÉIS AN RIALACHÁN SEO A GHLACADH:

Airteagal 1

1. An iontráil i liosta an Aontais de bhianna núíosacha údaraithe san Iarscríbhinn a ghabhann le Rialachán Cur Chun Feidhme (AE) 2017/2470, is é sin an iontráil ina dtagraítear don bhia núíosach giosta aráin (*Saccharomyces cerevisiae*) cóireáilte le UV, leasaítear í de réir mar a shonraítear san Iarscríbhinn a ghabhann leis an Rialachán seo.
2. Áireofar san iontráil i liosta an Aontais dá dtagraítear i mír 1 na coinníollacha úsáide agus na ceanglais lipéadaithe a leagtar síos san Iarscríbhinn.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 11 Feabhra 2022.

Thar ceann an Choimisiúin
An tUachtarán
Ursula VON DER LEYEN

IARSCRÍBHINN

Leasaítear an Iarscríbhinn a ghabhann le Rialachán Cur Chun Feidhme (AE) 2017/2470 mar a leanas:

(1) cuirtear an méid seo a leanas in ionad na hiontrála le haghaidh “giosta aráin (*Saccharomyces cerevisiae*) cóireáilte le UV” i dTábla 1 (Bianna núíosacha údaraithe):

Bia núíosach údaraithe	Coinníollacha faoina bhféadfar an bia núíosach a úsáid		Ceanglais shonracha bhreise maidir le lipéadú	Ceanglais eile	Cosaint sonraí
“Giosta aráin (<i>Saccharomyces cerevisiae</i>) cóireáilte le UV	<i>Catagóir bia shonraithe</i>	<i>Uasleibhéil vitimín D₂</i>	Maidir leis an mbia núíosach a ainmniú ar lipéadú na n-earraí bia ina bhfuil sé, is é ‘giosta vitimín D’ nó ‘giosta vitimín D ₂ ’ an t-ainmniú a bheidh air		
	Aráin agus rollaí a laimhínítear le giosta	5 µg/100 g			
	Earraí míne bácála a laimhínítear le giosta	5 µg/100 g			
	Forbhianna mar a shainmhínítear i dTreoir 2002/46/CE.	1 gcomhréir le Treoir 2002/46/CE			
	Giosta úr réamhphacáilte nó giosta tirim réamhphacáilte le haghaidh bácáil bhaile	45 µg/100 g i gcás giosta úr 200 µg/100 g i gcás giosta triomaithe	1. Maidir leis an mbia núíosach a ainmniú ar lipéadú na n-earraí bia, is é ‘giosta vitimín D’ nó ‘giosta vitimín D ₂ ’ an t-ainmniú a bheidh air. 2. Beidh ráiteas ar lipéadú an bhia núíosach ina sonrú go bhfuil an táirge bia ceaptha lena úsáid i mbácáil amháin, agus nár cheart é a ithe agus é amh. 3. Beidh treoracha úsáide ar lipéadú an bhia núíosach le haghaidh na dtomhaltóirí deiridh ionas nach sárófar uastíochan 5 µg/100 g vitimín D ₂ sna táirgí críochnaithe agus iad bácáilte sa bhaile.		
	Miasa, lena n-áirítear béilí ‘réidh le hithe’ (seachas anraithí agus sailéid)	3 µg/100 g	Maidir leis an mbia núíosach a ainmniú ar lipéadú na n-earraí bia ina bhfuil sé, is é ‘giosta vitimín D’ nó ‘giosta vitimín D ₂ ’ an t-ainmniú a bheidh air.”		
	Anraithí agus sailéid	5 µg/100 g			
Táirgí gránachbhunaithe, táirgí síolbhunaithe nó táirgí fréamhbhunaithe, iad friochta nó easbhrúite	5 µg/100 g				

Bainne foirmle do naíonáin agus bainne foirmle leantach mar a shainmhínítear le Rialachán (AE) Uimh. 609/2013	I gcomhréir le Rialachán (AE) Uimh. 609/2013		
Bia gránachbhunaithe próiseáilte mar a shainmhínítear le Rialachán (AE) Uimh. 609/2013	I gcomhréir le Rialachán (AE) Uimh. 609/2013		
Táirgí torthaí próiseáilte	1,5 µg/100 g		
Glasraí próiseáilte	2 µg/100 g		
Arán agus táirgí comhchosúla	5 µg/100 g		
Gránaigh bhricfeasta	4 µg/100 g		
Pasta, taos agus táirgí comhchosúla	5 µg/100 g		
Táirgí gránachbhunaithe eile	3 µg/100 g		
Spíosraí, blastanais, tarsainn, comhábhair anlann, anlainn/ barrlíonta milseog	10 µg/100 g		
Táirgí próitéine	10 µg/100 g		
Cáis	2 µg/100 g		
Milseoga déiríochta agus táirgí comhchosúla	2 µg/100 g		
Bainne coipthe nó uachtar coipthe	1,5 µg/100 g		
Púdair déiríochta agus dlútháin déiríochta	25 µg/100 g		
Táirgí bainnebhunaithe, meadhg agus uachtar	0,5 µg/100 g		

Ionadaigh feola agus déiríochta	2,5 µg/100 g			
Ionadach ar an aiste bia iomlán chun meáchan a rialú mar a shainítear i Rialúchán (AE) Uimh. 609/2013	5 µg/100 g			
Ionadaigh ar bhéilí chun meáchan a rialú	5 µg/100 g			
Bianna chun críoch speisialta míochaine mar a shainmhínítear i Rialachán (AE) Uimh. 609/2013	I gcomhréir le ceanglais chothaitheacha shonracha na ndaoine a bhfuil na táirgí ceaptha dóibh			

(2) cuirtear an méid seo a leanas in ionad na hiontrála le haghaidh 'giosta aráin (*Saccharomyces cerevisiae*) cóireáilte le UV' i dTábla 2 (Sonraíochtaí):

Bia Núíosach Údaraithe	Sonraíochtaí
'Giosta aráin (<i>Saccharomyces cerevisiae</i>) cóireáilte le UV	<p>Tuairisc/Sainmhíniú Cóireáiltear giosta aráin (<i>Saccharomyces cerevisiae</i>) le solas ultraivialait chun tiontú eirgistéaróil go vitimín D₂ (eargacailciféaról) a ionduchtú. Bíonn cion vitimín D₂ sa dlúthán giosta idir 800 000 agus 3 500 000 aonad idirnáisiúnta vitimín D/100 g (200-875 µg/g). Díghníomhófar an giosta sula n-úsáidtear é i mbainne foirmle do naónáin agus bainne foirmle leantach nó i mbianna chun críoch speisialta míochaine mar a shainítear le Rialachán (AE) Uimh. 609/2013, agus féadfar an giosta a dhíghníomhú nó gan é a dhíghníomhú lena úsáid i mbianna eile. Cumasctar an dlúthán giosta le gnáthghíosta aráin ionas nach sárófar an t-uasleibhéal sa ghiosta úr réamhphacáilte nó sa ghiosta tirim réamhphacáilte le haghaidh bÁCáil bhaile. Gráinníní cróna, i saorshreabhadh.</p> <p>Vitimín D₂ Ainm ceimiceach: (5Z,7E,22E)-(3S)-9,10-seiceargasta-5,7,10(19),22-teitreal-3-ól Comhchiallach: Eargacailciféaról Uimh. CAS: 50-14-6 An meáchan mhóilíneach: 396,65 g/mol</p> <p>Critéir mhicribhitheolaíocha maidir leis an dlúthán giosta Baictéir dhrólannacha: ≤ 10³/g <i>Escherichia coli</i>: ≤ 10/g <i>Salmonella</i>: Gan bheith ann in 25 g'</p>